

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 80a. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj: 36/99, 54/04, 39/06 i 14/09), članom 146. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11 i 3/15), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 48. sjednici održanoj dana 23.03.2016. godine, d o n o s i

RJEŠENJE

o imenovanju Radne grupe za vršenje revizije prvostepenih rješenja o priznavanju prava utvrđenih Zakonom o socijalnoj zaštiti, zaštiti civilnih žrtava rata i zaštiti porodice sa djecom

I.

Imenuje se Radna grupa za vršenje revizije prvostepenih rješenja JU Centara za socijalni rad, odnosno nadležnih općinskih službi za upravu (u daljem tekstu: prvostepeni organi), o priznavanju prava utvrđenih Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH“, broj: 36/99, 54/04, 39/06 i 14/09, u daljem tekstu: Federalni zakon) Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11 i 3/15, u daljem tekstu: Kantonalni zakon), kako slijedi:

1. Vildana Kondić, Ministarstvo za rad, socijalnu politiku i izbjeglice,
2. Lamija Piljug, Ministarstvo za rad, socijalnu politiku i izbjeglice,
3. Paša Kavazović, Ministarstvo za rad, socijalnu politiku i izbjeglice,
4. Amra Nikšić, Ministarstvo za boračka pitanja,
5. Almasa Serdarević, Ministarstvo za boračka pitanja,
6. Muris Tvrtković, Ministarstvo za boračka pitanja.

Za sekretare-evidentičare Radne grupe, imenuju se: Blanka Paurić i Lejla Begović iz Ministarstva za rad, socijalnu politiku i izbjeglice.

II.

Zadatak članova Radne grupe je da pojedinačno izvrše reviziju rješenja prvostepenih organa o priznavanju prava korisnicima socijalne zaštite, zaštite porodice sa djecom i prava civilnih žrtava rata u skladu sa Federalnim i Kantonalnim zakonom.

Istovremeno, ako je protiv rješenja prvostepenih organa izjavljena žalba, članovi Radne grupe o reviziji i žalbi rješavaju istim rješenjem.

Zadatak sekretara-evidentičara je izvršavanje ukupnih administrativno-tehničkih poslova u postupku izvršenja revizije.

III.

U svom radu Radna grupa je dužna pridržavati se odredaba Federalnog i Kantonalnog zakona, te instrukcija, uputstava, pravilnika ministra Federalnog ministarstva rada i socijalne politike i ministra Ministarstva za rad, socijalnu politiku i izbjeglice Zeničko-dobojskog kantona izdatih s ciljem provedbe Federalnog i Kantonalnog zakona.

IV.

Ministar Ministarstva za rad, socijalnu politiku i izbjeglice će u skladu sa članom 36. Zakona o upravnom postupku („Službene novine FBiH“, broj: 2/98 i 48/99) revizorima iz tačke I. ovog rješenja, izdati posebna ovlaštenja za izvršenje revizije.

Zbog blagovremenog izvršenja revizije, ako ocijeni da je to potrebno, Ministar će imenovati nove članove radne grupe iz kantonalnih organa uprave, odnosno imenovane zamijeniti.

V.

Zbog obima posla, vrijeme za obavljanje zadataka članova Radne grupe i sekretara-evidentičara je izvan redovnog radnog vremena, za što imaju pravo na naknadu koju će (ovisno o vrsti obrađenog predmeta) odrediti ministar Ministarstva za rad, socijalnu politiku i izbjeglice svojim rješenjem.

Mjesečni neto-iznos naknade pojedinačno ne može iznositi više od 200,00 KM.

VI.

Rješenje stupa na snagu danom donošenja, a primjenjuje se od 01.01.2016.godine. Danom početka primjene ovog rješenja prestaju da važe Rješenja Vlade Zeničko-dobojskog kantona, broj: 02-34-22139/13 od 17.10.2013.godine i broj: 02-34-25455/13 od 02.12.2013.godine.

Broj: 02-_____/16.

Datum, 23.03.2016. godine

Zenica

**PREMIJER
PO OVLAŠTENJU**

Himzo Smajić

DOSTAVLJENO:

1x Ministarstvo za rad, socijalnu, politiku i izbjeglice,

1x Ministarstvo finansija,

1x Članovi Radne grupe,

1x a/a.